



Bosna i Hercegovina
Federacija Bosne i Hercegovine
Kanton Sarajevo
Sarajevo, Obala Kulina Bana 9
tel: +387 33 445 138
e-mail: nps@bih.net.ba
website: www.nps.ba

URED DIREKTORA
Sarajevo, 04.09.2009.godine

SAOPĆENJE ZA JAVNOST

OTVARANJE SEZONE U ZNAKU OPERE

Narodno pozorište Sarajevo zvanično će, na svečan način, otvoriti umjetničku sezonu 2009/2010 - 23.septembra/rujna. Te večeri u 19,30 biće izvedena najuspješnija predstava prošle umjetničke sezone u Operi Narodnog pozorišta Sarajevo, Verdijeva *Traviata*.

Ovu predstavu, pod dirigentskim vođstvom Andrije Pavlića i u režiji Ogniana Draganofa izvest će ansambl Opere Narodnog pozorišta Sarajevo, sa orkestrom Sarajevske filharmonije. U predstavi dominantnu pjevačku partiju ima Aida Čorbadžić-Valka, apsolutna nova zvijezda Opere u Sarajevu, te Kisun Kim.

Međutim, i prije formalnog otvaranja umjetničke sezone 2009/2010 Opera NPS odigrat će u petak 11.09.2009.godine, za najmlađu sarajevsku publiku, popularnu operu za mlade *Aska i vuk* Horozića i Alispahića, a pod dirigentskim vođstvom Darija Vučića i u režiji Ozrena Prohića.

Ako svemu dodamo da će 18.o.m. u 20,00 sati biti otvorena, na najsvečaniji način, i umjetnička sezona Sarajevske filharmonije, čijim simfonijskim orkestrom će tada dirigitirati jedna od najmarkantnijih osoba glazbene scene regiona, dirigent Uroš Lajovic, onda se može kazati da će ljubitelji ozbiljne glazbe i opere imati vrlo inspirativan i bogat umjetnički program u Narodnom pozorištu Sarajevo, tokom septembra/rujna ove godine.

U isto doba Drama Narodnog pozorišta Sarajevo izvesti će popularne predstave na velikoj i maloj sceni.

Tako će 26.septembra/rujna u 19,30 sati biti izvedena *Balada o Omeru i Merimi* Ferida Sokolovića u adaptaciji i režiji Sulejmana Kupusovića, a dva dana ranije, na maloj sceni *En*

Face, 24.09. biće izvedena predstava *Ponoćna igra* Dubravka Jelačića Bužimskog u režiji Gradimira Gojera.
Sam kraj mjeseca septembra/rujna rezerviran je za predstave Baleta Narodnog pozorišta Sarajevo kad trebaju biti izvedeni *Pepeljuga* Štrausa mlađeg u koreografiji i režiji Vasilija Medvedeva i *Palčica* Andersena, Mocarta, u koreografiji i režiji Nermine Damian.

PRESS SLUŽBA NARODNOG POZORIŠTA SARAJEVO